

Na de Bröörs Grimm - Rapunzel*

Daar weren maal en Mann un en Froo, de sük al lang en Kind wünskden. De beid wohnden tegen en Tuun* van en oll Töverhex*, de groot Macht harr. De hele Welt weer bang vör hör. In hör Tuun wussen de mooiste Blömen un Planten*.

Enes Daags seeg de Froo in de Tuun en Beet vull van Rapunzels, de heel lecker utsegen*. Se wull hör so geern eten, umdat hör dat so slecht gung. „Wat hest du, leve Froo?“, froog hör Mann. „Wenn ik neet de lecker Rapunzels ut de Tuun to eten krieg, denn mutt ik starven“, antwoordde de Froo. Dat kunn de Mann neet hebben, klauterde over de Schütten* in de Tuun un hool Rapunzels. De Froo maakde sük daar futt* en Salaat van un weer heel bließ.

Man an de anner Dag harr se dreemaal so vööl Smeet* up de Rapunzels. Hör Mann klauterde weer over de Schütten in de Tuun. Man he verfehrde sük düchtig, denn tomaal stunn de Töverhex vör hum. „Wat fallt di in, in mien Tuun Rapunzels to klauen? Daarför sollst du straft worden.“ „Mien Froo hett de Rapunzels sehn un mag de so geern eten. Se mutt starven, wenn se de Salaat neet kriggt“, verklaarde he. „Wenn dat so is“, see de Töverhex, „dürst du di welken mitnehmen, man blot unner een Vörutsetten. Dat eerste Kind, wat dien Froo kriggt, dat haal ik mi. Dat soll hum goodgahn, ik will en Moder för dat Kind wesen.“ De Mann weer so bang vör dat oll Wiev, dat he hör dat eerste Kind

tosee*. As dat Kindje denn upstahn weer, kweem de Töverhex, nöömde dat Kind „Rapunzel“ un nohm dat Wicht mit.

Rapunzel wurr dat mooiste Kind, dat dat geev. As se twalv Jahr old weer, sloot de Töverhex dat Wicht in en Toorn* in. De weer in en Wald un harr keen Trapp* un keen Döör, blot en lüttje Fenster heel boven. Wenn de Töverhex rin wull, reep se:

„Rapunzel, Rapunzel,

laat dien Haar runner.“

Rapunzel harr Haar as Gold. Wenn se de Töverhex höörde, maakde se hör

Flechten* löss un leet hör runner. So kunn de Hex hoogstiegen.

En paar Jahr later reed* en Königsöhn dör de Wald un kweem an de Toorn vörbi.

Daar höörde he Rapunzel heel mooi singen. He söchde futt na en Döör, man he

kunn keen Ingang finnen. Elke Dag kweem he torügg un höörde Rapunzel. Enes

Daags kunn he sehn, wo de Töverhex kweem un wo se reep:

„Rapunzel, Rapunzel,

laat dien Haar runner.“

He murk* sük de Woorden, un an de anner Dag versöch he dat denn sylvst un
reep:

„Rapunzel, Rapunzel,
laat dien Haar runner.“

He klauterde na boven un Rapunzel verfehrde sük düchtig. Man de Prinz
verklaarde hör, wo he hör funnen harr un se prootden of, dat he nu elke Dag
avends komen un en Stück Sied* mitbrengen sull. Daar wull Rapunzel en lang Tau
van maken, anners kunn se neet van de Toorn runnerkommen.

En Tied lang gung dat good un de Töverhex kreeg daar nix van mit, dat de Prinz
bi Rapunzel up Visiet kweem. Man enes Daags verplapperde Rapunzel sük, denn se
see: „Waarum büst du egentlik so vööl swarer as de Prinz, oll Hex?“ De Töverhex
weer daar so düll över, dat se Rapunzel hör Flechten ofsnee un dat Wichtje
wegbroch.

As de Prinz weerkweem un reep, leet de Töverhex Rapunzels Haar na unnern un
begröttde hum mit de Woorden: „Dien mooi Vögel sitt neet mehr in sien Nüst*.
De Katt* hett hum haalt un se krabbt* di dien Ogen ut. Nooit weer sallst du
Rapunzel sehn.“ De Prinz wurr so trürig, dat he van de Toorn in de Doorns sprung
un sien Ogenlücht* verloor.

Van daar of an leep he blind dör de Welt un reerde* na Rapunzel. Na en paar Jahr funn he hör denn in en arm Kuntrei*, waar se mit Twennels*, de se van hum kregen harr, heel allennig leevde. He höörde hör Stimm un gung na hör hen. Rapunzel freide sük so, dat se reren muss. Hör Tranen fullen in sien Ogen un de wurren weer klaar, so dat he weer sehn kunn. He nohm Rapunzel un sien Kinner mit in sien Riek, waar all heel blied weren, dat he torüggkweem.

Daar leevden Rapunzel un hör Prinz noch heel lang glückelk un tofree tosamen mit hör Kinner.

Quelle:

Frei übersetzt nach der Ausgabe von „Rapunzel“ in: Kinder- und Hausmärchen gesammelt durch die Brüder Grimm. Wissenschaftliche Buchgesellschaft. Darmstadt 1978, S. 104 - 107.

Vokabels:

Rapunzel = Feldsalat, im ostfriesischen Platt auch „Muusohrkes“

Tuun = Garten

Töverhex = Zauberin

de mooiste Blömen un Planten = die schönsten Blumen und Pflanzen

utsegen v. utsehn = aussehen

Schütten = Tor, Pforte

futt = gleich

Smeet an wat hebben = Lust auf etwas haben

tosee v. toseggen = zusagen

Toorn = Turm

Trapp = Treppe

Flechten = Zöpfe

reed v. rieden = reiten

Sied = Seide

Nüst = Nest

Katt = Katze

krabbt v. krabben = kratzen

Ogenlücht = Augenlicht

reerde v. reren = weinen

Kuntrei = Gegend

murk v. marken = merken

Twennels = Zwillinge

Zum Nachschlagen weiterer Vokabeln empfehlen wir das Plattdeutsch-Hochdeutsche Online-Wörterbuch der Ostfriesischen Landschaft:

www.platt-wb.de

